

Kommune Kujallermut, Kommuneqarfik Sermersuumut, Qeqqata Kommunianut, Kommune Qeqertalimmut aammalu Avannaata Kommunianut sukkassusissap killiligaanera pillugu nalunaarut

Inatsit nr. 995-imi 26. oktober 2009-meersumi Kalaallit Nunaanni aqqusinertigut angallannermut inatsimmi § 29, imm. 2 naapertorlugu aammalu Kommune Kujallermi, Kommuneqarfik Sermersuumi, Qeqqata Kommuniani, Kommune Qeqertalimmi aammalu Avannaata Kommuniani kommunalbestyrelset isumaqatiginninniarfigereerlugit uku aalajangiunneqarput:

§ 1. Una nalunaarut Kommune Kujallermi, Kommuneqarfik Sermersuumi, Qeqqata Kommuniani, Kommune Qeqertalimmi aammalu Avannaata Kommuniani aqqusinertigut angallannermut inatsisip atuuffii-sa iluanni atorpeqassaaq.

§ 2. Kommuneni § 1-imi taaneqartuni sukkassusissap killigitat qaangerneqassanngillat:

- 1) Sumiiffinni sanaartorfigineqarsimasut iluanni taakkunanngalu 500 meterit tungaannut ungasissusilimmi 40 km/t
- 2) Nr. 1-imi taaneqartut sumiiffiit avataanni aqquasiaasimasuni aammalu aalajangersimasumik aqutisartakkani il.il. 40 km/t, taakku assersuutigalugu qamuterallannut assigisaannulluunniit aqutissiatut allagartamik nalunaaqutsersimappata.
- 3) Nr. 1-imi aammalu 2-mi taaneqartut sumiiffinni, aqqusinerni, aqutissiani il.il. 60 km/t, sukkassusissap killiligaanera allagartamik nalunaaqutserneqarsimappat.

Imm. 2. Akisussaasutut oqartussaasup piumasaqarneratigut aqqusinniortoqassappat imaluunniit aqutissiortoqassappat il.il., assersuutigalugu sikumi, erseqqissumik allagartatigut, napasutigut assigisaatigulluunniit nalunaaqutsersimasukkut, imm. 1, nr. 1-imi aammalu 3-mi taaneqartut aalajangersakkat taamatuttaaq atuutissapput.

§ 3. § 2-mik unioqutitsineq pinerluttulerinermik inatsit malillugu pineqaatissiissutaasinnaavoq, tak. aqqusinertigut angallannermut inatsimmi § 56.

§ 4. Nalunaarut 1. januar 2024 atuutilissaaq.

Kalaallit Nunaanni Politiit, Nuuk, ulloq 21. juli 2023

BJØRN TEGNER BAY

/ Emil Maegaard-Hoffmann